



# O libro de Rut

Carmen Soto

Atopámonos ante un libro singular, cheo de suxestións e de intuicións. É un libro que a miúdo deixamos nun segundo plano porque parece non tratar dos grandes temas teolóxicos e espirituais que con certa frecuencia tentamos buscar na Biblia. Sen embargo, este pequeno libríño de a penas catro capítulos condensa na súa narración elementos dunha gran finura espiritual e á vez dunha gran provocación.

É esta unha historia de interiores, pero tamén unha evidencia de que as grandes palabras e os grandes discursos non sempre teñen a última palabra no mundo. Moitas veces a vida camiña a carón dos pequenos heroes cotiáns que fan posibles pasos significativos, deses homes e mulleres que dende a súas actitudes manteñen o importante por riba do secundario.

Achegarse á historia de Rut e, dalgunha maneira, achegarse tamén, á historia de moitas mulleres que ao longo do tempo arriscaron todo por fidelidade ao amor, que deixaron os seus soños polos soños dos outros, que comprenderon as súas vidas mais aló das súas fronteiras. Todo isto e moito máis é Rut, a nosa compañeira.

## **Pero, comecemos por relatar a historia**

Na época dos xuíces, Elimélec de Belén vese forzado pola carestía a emigrar a Moab coa súa esposa Noemí e os seus dous fillos, Mahlón e Quilión. Morre, e os dous rapaces casan con dúas moabitas, Rut e Orpah. Cando eles morren, e unha vez pasada a